



2774 01

Drugostepena stručna komisija

Broj: 01-sl/21
Ilidža, 05.02.2021.god.

MATERIJAL ZA
2. REDOVNU
SJEDNICU
Stanković Jauif

OPĆINSKO VIJEĆE ILIDŽA

PREDMET: Izvještaj o radu Drugostepene stručne komisije Općinskog vijeća Ilidža; *dostavlja se*

Poštovani,

U prilogu ovog pismena, dostavljamo Vam Izvještaj o radu Drugostepene stručne komisije Općinskog vijeća Ilidža za period 01.01. – 31.12.2020. godine, kako bi Vijeće navedeni izvještaj uvrstilo kao tačku dnevnog reda 1. redovne sjednice Općinskog vijeća.

S poštovanjem,

DOSTAVITI:

1. Općinsko vijeće Ilidža
2. Stručna služba za poslove Općinskog vijeća
3. a/a

PREDSJEDNIK KOMISIJE

Dr.sc. Mirsad Cizmić



BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO - OPĆINA ILIDŽA
OPĆINSKO VIJEĆE



2775 101
BOSNIA AND HERZEGOVINA
FEDERATION OF BOSNIA AND HERZEGOVINA
SARAJEVO CANTON - MUNICIPALITY OF ILIDŽA
MUNICIPAL COUNCIL

10 -02- 2021

IZVJEŠTAJ O RADU
DRUGOSTEPENE STRUČNE KOMISIJE OPĆINSKOG VIJEĆA ILIDŽA ZA PERIOD
01.01. – 31.12.2020. GODINE

Nosilac izrade materijala:
Drugostepena stručna komisija

Ilidža, februar 2021. godina



Butmirska cesta br. 12, Sarajevo, BiH, tel/fax. +387 33 775-732 i 775-731,
centrala 775-600, www.opcinailidza.ba, E-mail: opcinsko.vijece@opcinailidza.ba





IZVJEŠTAJ O RADU DRUGOSTEPENE STRUČNE KOMISIJE OPĆINSKOG VIJEĆA ILIDŽA ZA PERIOD 01.01. – 31.12.2020. GODINE

I UVODNE NAPOMENE

U skladu sa članom 4. stav (10) tačka d) Odluke o osnivanju stalnih radnih tijela Općinskog vijeća Ilidža – Prečišćeni tekst („*Službene novine Kantona Sarajevo*“, broj: 1/20), Drugostepena stručna komisija Općinskom vijeću općine Ilidža podnosi Izvještaj o radu za 2020. godinu.

Navedenom odlukom Drugostepena stručna komisija je određena kao drugostepeni organ nadležan da rješava po žalbama stranaka kada je u prvostepenom postupku rješavano na osnovu Statuta ili propisa Općinskog vijeća Ilidža, a u okviru isključivih prava i dužnosti Općine. Nadležnost određena na ovaj način proizilazi i iz odredaba člana 223. stav (1) Zakona o upravnom postupku Federacije BiH („*Službene novine FBiH*“, broj: 2/98 i 48/99), kojim je propisano „*Ako je u prvostepenom upravnom postupku rješavano na osnovu Statuta ili propisa Općinskog vijeća, u okviru isključivih prava i dužnosti općine, o žalbi protiv tih rješenja u drugom stepenu rješava općinski organ određen Statutom općine, odnosno organ određen propisom Općinskog vijeća*“.

Nadležnost ove komisije za postupanje i rješavanje po žalbama u određenim slučajevima je propisana i posebnim zakonom, kao što je slučaj predviđen članom 80. stav (3) Zakona o cestama Federacije BiH („*Službene novine FBiH*“, broj: 12/10), kojim je određeno da se „*Protiv upravnih akata predviđenim stavom (2) citiranog člana, za autoceste, brze ceste i magistralne ceste može podnijeti žalba Ministarstvu, za regionalne ceste nadležnom kantonalnom ministarstvu, a za lokalne ceste nadležnom općinskom organu u skladu sa zakonom*“.

U vezi sa ovim važno je konstatovati da je Općinsko vijeće Ilidža u 2015. godini donijelo Odluku o visini naknade za korištenje javnih površina za izgradnju podzemnih i nadzemnih instalacija, uređaja i opreme na području Općine Ilidža („*Službene novine Kantona Sarajevo*“, broj: 13/15 i 40/15). Kako Drugostepena stručna komisija u ovom slučaju odlučuje nakon što se u prvostepenom postupku odlučivalo na temelju citiranog propisa Općinskog vijeća, na ovaj način pitanje nadležnosti je usklađeno sa Odlukom o osnivanju stalnih radnih tijela Općinskog vijeća.

Postupajući po ranije ustanovljenoj praksi Drugostepena stručna komisija je u izvještajnom periodu vodila postupke i odlučivala po žalbama, u predmetima gdje nadležnost proizilazi iz navedenog federalnog zakona, kao i citirane odluke Općinskog vijeća.



Drugostepena stručna komisija Općine Ilidža u sadašnjem sastavu imenovana je rješenjem Općinskog vijeća broj: 01-02-1147/17-5b od 30.03.2017. godine, a nakon provedenog postupka javnog konkursa, kako slijedi:

1. Mirsad Čizmić – predsjednik
2. Amra Kalabušić – član
3. Amela Hodžić – Avdović – član
4. Azra Fako – član
5. Jasmin Bešić – član

I. ODLUČIVANJE U DRUGOSTEPENOM POSTUPKU

U izvještajnom periodu od 01.01. - 31.12.2020. godine, Drugostepena stručna komisija je održala ukupno 11 sjednica, gdje je zaprimila i uzela u rad 29 predmeta (14 žalbi, 11 tužbi i 4 predmeta kojima je tužba usvojena od strane Kantonalnog suda u Sarajevu), a što je u prosjeku 2.63 predmeta po sjednici. Od ukupnog broja zaprimljenih predmeta tokom godine, Komisija je sve predmete riješila, a od toga 12 uloženi žalbi su odbijene kao neosnovane i potvrđena prvostepena rješenja, dok su 2 žalbe usvojene, gdje je Komisija poništila osporena rješenja i vratila prvostepenom organu na ponovno postupanje. U 11 predmeta dostavljen je odgovor na tužbe u vezi sa pokrenutim upravnim sporom kod Kantonalnog suda u Sarajevu. U svim predmetima koji su razmatrani Komisija je odluke po žalbama donijela jednoglasno. U 11 predmeta drugostepeni postupci su vođeni po žalbama koje su uložene protiv rješenja Službe za razvoj, komunalne poslove i puteve Općine Ilidža, dok su 3 postupka vođena po žalbama na rješenja Službe za imovinsko-pravne, stambene, geodetske poslove i katastar nekretnina Općine Ilidža. Pored navedenog Komisija je u formi zaključka, na temelju presuda Kantonalnog suda u Sarajevu, vratila prvostepenom organu 4 predmeta na ponovno postupanje.

III OCJENA STANJA

Drugostepena stručna komisija Općinskog vijeća Općine Ilidža je tokom 2020. godine u okviru propisima određenih nadležnosti poduzimala propisane radnje, vodila aktivnosti u cilju rješavanja po žalbama i prijedlozima, te je ažurno izvršavala postavljene zadatke, na način što je u zakonom propisanim rokovima provela žalbene postupke i donijela odluke i na taj način riješila sve zaprimljene predmete.

Postupci po žalbama, koje je u izvještajnom periodu vodila Drugostepena stručna komisija 2020. godine su isključivo bili vezani za prvostepena rješenja, koja su navedene općinske službe donosile na osnovu federalnih propisa: Zakona o upravnom postupku („Službene novine Federacije BiH“ broj: 2/98 i 48/99), Zakona o cestama FBiH („Službene novine FBiH“, broj: 12/10 i 66/13), te Odluke Općinskog vijeća Ilidža o visini naknade za korištenje javnih površina za izgradnju podzemnih i nadzemnih instalacija, uređaja i opreme na području Općine Ilidža („Službene novine Kantona Sarajevo“, broj: 13/15 i 40/15).

U izvještaju o radu za 2019. godinu, Drugostepena stručna komisija je ukazala na kontradiktornost i neusaglašenosti između prethodno citiranih propisa i Zakona o električnoj energiji FBiH („Službene novine FBiH“, broj: 66/13), kao i činjenica da je Općinsko vijeće pokrenulo inicijativu u cilju usaglašavanja i otklanjanja prisutnih razlika između Zakona o cestama FBiH i Zakona o električnoj energiji FBiH. Prema raspoloživim i dostupnim informacijama, do usaglašavanja nije još došlo, a na osnovu čega Drugostepena komisija sugeriše Općinskom vijeću Ilidža da se istraje na prethodno navedenoj inicijativi.



IV. PRIJEDLOG MJERA

Polazeći od prethodno navedenog, Drugostepena stručna komisija Općinskom vijeću predlaže da usvoji ovaj Izvještaj, te da se zahtijeva:

1. Realizacija aktivnosti u cilju usaglašavanja i otklanjanja prisutnih razlika između Zakona o cestama FBiH i Zakona o električnoj energiji FBiH.
2. Da se utvrde strožiji kriteriji za izbor članova Drugostepene stručne komisije, kao na primjer minimalno 5 godina radnog iskustva i položen pravosudni ispit ili stručni upravni ispit, ili minimalno 7 godina rada na pravnim poslovima.
3. Da se povećaju naknade za rad Drugostepene stručne komisije, koje će se svaki mjesec isplaćivati bez obzira na uzimanje u rad predmeta, s obzirom da se radi o vrlo složenom i nimalo bezazlenom radu, koji ima veliki stepen odovornosti kao i stručnost u radu. Drugostepena stručna komisija ne može biti tretirana kao ostale komisije jer se radi o drugostepenom organu koji rješava po žalbama pomoćnika načelnika i odlučuje o imovinsko pravnim pravima i finansijskim sredstvima od kojih veliku korist ili gubitak može imati Općina Ilidža, čije odluke imaju pravno obavezujuće dejstvo, dok to nije slučaj sa ostalim komisijama.

